



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Ital
8552
50

WIDENER



HN QTPX 0

Ita 18552.50



Harvard College Library

FROM

Arthur G. Sedgwick,
Cambridge.

13 June, 1887.

POESIE
IN DIALETTO MILANESE
DI
TOMMASO GROSSI.

M. B. Sedgwick

M. B. Sedgwick

LA
PIOGGIA D'ORO,
E
LA FUGGITIVA

POESIE

IN DIALETTO MILANESE

DI

TOMMASO GROSSI.


MILANO

PER VINCENZO FERRARIO

M DCCC XXII.

~~IV 2541~~

Ital 8552.50



Al.
...

LA
PIOGGIA D' ORO
TRADIZIONE ORFICA

TRATTA DA UN CODICE INEDITO

DI

JAMBlico CALCIDese

PARTE PRIMA.

Quand sto nost mond l'era ancamò bardassa,
In temp che l'era adree a cascìà i primm dent,
Ch' el sarà ben cent mila ann e passa,
Se no l' è forsi già passaa i duserent,
Gh'era una razza paja d' omenon.
Desutel, taja giò cont el folcion.

Vegneven su de terra comè i fong
 Linœucc, tamberla, candirott, intreggh,
 Negher, pelôs, con mezza spanna d'ong,
 Darusc comè la lisca di cardegh,
 „ Buttaa là de bislacch come salamm,
 Lasagent, pilattent, rabbiaa de famm.

Staven sti gnucch de gent in d'on paes
 Bandonnaa, senza bastion ne dazi:
 No gh'era monestee, no gh'era ges,
 Pareven besti, e se ciamaven Trazi;
 Mezz biott e mezz vestii de fœuj de figh,
 E no mangiaven olter che panigh.

On cert Orfee nassuu in de quij contorna,
 Che l'eva on rosignœu in mezz ai gasgiott,
 El compatissi, ghe vegneva i corna
 A vedè sti sœu pover patriott
 A viv ingual di besti, anzi anmò peg;
 E l'ha pensaa de convertij a la leg.

Studia, machinna, on di, cossa el fa lù,
 Je cura tutt insemma sti calvari:
 El va in su on sass e el sbragia:—O turlurù!
 Demm a trà, che vuj fav el missionari:—
 Resten lì tucc: lu el fa ona reverenza,
 El spuva, el netta el nas, e poèù el comenza.

— Eel mò possibel, manimalucch fottuu,
 Che siev tant ignorant, tant intrigaa
 De vegnì grand e gross e scopazzuu
 Senza nanca savè chi v'abbia faa?
 Ah razza de somar degn de galera,
 Fin quand farii la vacca in sta manera?

Dervii quij œucc, o tòcch de lumagon,
 Alzee quij lenden e guardee per ari;
 Presto, con quij manasc in orazion;
 In terra quij genceucc; brutt ziffolari,
 Che là su inscima, che ghe par nient,
 Gh'è Barba-Giove cònt i sò parent.

E, sanguanon! se farii tant el gnucch,
 L'è quell mostacc de tœuss adree on bon legn,
 Borlav adoss, ciappav per i pelucch,
 E daven tanti de lassagh el segn,
 Che saraven ben daa in coscienza mia,
 Razza de can barbin, e così sia. —

Chì 'l se padima, e môccio! per spià
 L'effett ch'el fava sto sò pangeliregh:
 Ma nol sent che dò vòs -- Gh'hoo de tirà?
 La diseva la prima, e l'oltra -- Tiregh!
 E in quella, sbassa subet la zaffagna,
 Ch'el ved per aria on quart d'ona montagna.

Adoss, adoss! dai! ciappel! tíreggh! mòleggh!
 L'è sott e sora tutta l'udienza :
 L'era fenida per el sur teolegh;
 N'avaraven faa dent ona carsenza,
 Se vott o des pu scrocch o pu sonaj
 No se impegnaven per fenì sto guaj.

Allora vun, tujend lu la parolla,
 El se revolta a quella razza-paja,
 Sbragiand:—Sto sur Orfee l'è ona gran ciolla
 Che nol sa nanca lu quell ch' el se baja; —
 E la marmaja la sbragiava anch lee :
 — L'è vera, l'è ona ciolla el sur Orfee. —

Repla on olter — Dove l'è 'l cilapp
 Ch'el gh'ha mostacc de vorenn bastonà?
 L'è Barba-Giove? ch'el se batta i ciapp,
 Che l'emm nanch per la cassa, andà a cercà! —
 E tutta quella razza-paja in massa :
 — Andà a cercà, l'emm nanca per la cassa. —

—Fee d'onà cossa, sentimm mì; vedemm—
 Prima chi l'è sto Giove, el-dis on olter;
 Veduu che l'abbiem, se regolarem
 Segond quell che ne par, e n'occorr olter. —
 El seguitava; ma 'l dà su on rebell:
 — Vedemmel, sì signor, vœurem vedell. —

Per vegnì al sugh, Orfee de lì on bell poo
 Che gh'è passaa el stremizi del buratt ,
 L'è andaa d' accord con tutt quij scorla coo
 De lassà i lapp de part , e vegnì ai fatt ;
 E lì guardand in su fœura d' on bœucc
 El ved dia Giove, e 'l te ghe schiscia on œucc.

Lu el le capiss , e senza fà reson ,
 Giò fœuj! vott o des stralusc in fira;
 Intant ziffolla el vent, barbotta el tron,
 Canten i rann, e Giove el tœù la mira
 In sul mont Emo in d'on gran scepp pendent,
 Tarlâch! ona sajetta, e picchegh dent.

Quell scepp borlonand giò 'l tira adree insemma
 Terra , sass, piant tuttoss a rebellott :
 La rebomba de sott la vall , la tremma
 La montagna , ghe par el terremott :
 L'è tant el s'cagg ch'el mett, sangua de legn!
 Che se desconscen tutt i besti pregn.

I Trazi resten lì comè de gess,
 E volzen nanca de tirà su el fiaa :
 El sbragia Orfee : — Sii mò content adess
 Che avii sentii che Giove l'ha parlaa ?
 Sicchè? gh'eel o no gh'eel? disii i mee tœs,
 Ahn? v'è duvis ch'el gh'abbia bona vœs ...

Respond nissun?... Ah razza sbolgirona!
 Donca no gh' avii pu nient in contrari?
 Ben, tegnii sald; questa l'è ona corona;
 Adess ve insegnaroo a di el rosari;
 E intrattanta che mi cantaroo messa...
 Ma el sbragia vun-- Cribbi e boffitt! che pressa!-

Quest l'era on manzerlon longh on trabucch,
 Ona faccia de forca, de dannaa,
 Stizzent comè ona lipera, mazzucch,
 Inzigòs, negher, brutt comè 'l peccaa,
 Ch' el soltè lì del post in dove l' era
 Seguitand press a pocch in sta manera:

— Adasi, adasi, scior prevost, con quella
 Lengua de berta: che molin de vent!
 Sangua d'on biss! quant ciaceer, che tapella!
 Cossa fet cunt, de metten in convent?
 T'offela boeus! el mè car sur prevost
 T'ee faa i tò cunt sta vœulta senza l' ost.

Cossa l'è tutt sto ruzz? Coss' ha che fa
 La vòs de Giove con quell gran frecass?
 Nun l'emmm sentii? Nun emmm sentii a tronà,
 A s'cioppà el fulmen, a borlà giò on sass,
 E fa ona botta ben stramarcadetta;
 Ma no l'era che tron, sass e sajetta.

Te darisset d'intend de infenocciann
Con sti tò loffi per menann a bev?
Cocò! gh' ét olter che sti patanflann?
Salvi per quij che je vorà ricev;
Ma a nun, perdi... no ne stà a romp la pippa.
Che Giove! che no Giove de la lippa! —

Chì'l se fa brusch, el scorla el coo, el ven ross,
El scricca i denc, e 'l te ghe dà on' oggiada
De porscell mort, de faghèla fà adoss,
Quand per desgrazia nol l'avess già fada;
E pœù lott lott, lott lott, el volta via
Guardand indree ogni pass: esuss maria!

La turba intant de quij despeccenaa
A corr, a domandass la fa on bodesg,
Ch'el pariva comè quand ven d'estaa
Di vœult in temp de nocc quij gran slavesg,
Che se desseda, se alza el coo dal lecc,
E se sent l'acqua che la ven giò a secc.

PARTE SECONDA

L'alzava el Sò la faccia sbarludenta
 Per saludà l'Aurora de lontan,
 E lee la fava i gamb mezza indormenta
 Con giò i cavij, con la camisa in man,
 Rossa per la vergogna, chè inscì biotta
 El l'ha cattada in lecc col sò balotta.

L'era on bell dì seren luster, e l'era
 Quell temp che mas'c e femena se piasen:
 Se sentiven a fà la primavera
 Concertaa insemma i rossignœu coi asen:
 E a vessigà intramezz ai frasch el vent
 Fasendegh sotta l'accompagnament.

I fior, i erb, i piant, i ond, i sass
 Tripillaven, andaven in amor,
 Se vedeven a strenges, a basass
 E sass, e ond, e piant, e erb, e fior;
 Ma i Trazi in mezz a tanta fustusciada
 No ghe sentiven ona sbolgirada.

Chi menava la gamba, chi dormiva,
 Chi andava lizzonand de scià e de là;
 Chi se pientava estategh su la riva
 D' on quaj fium a vedè l' acqua a passà;
 E chi guardava in su cantand *la-lella*
 Col cuu in su on sass e cont i man sott sella.

Quell bon diavolasc del sur tèolegh
 El gh' aveva ona fevra de cavall,
 Maa de coo, maa de fidegh, dolor colegh,
 Senza on can che vegness a medegall
 (Chè l' era anmò permess ai temp d' Orfee
 De morì senza medegh nè barbee).

E voltandes in su mezz desperaa,
 Barba-Giove, el sbragiava, guarda chì,
 Guarda on poo, guarda come sont consciaa
 In grazia tova, per amor de ti.
 Ah Giove! on impollin de medesina,
Domine ad adjuvandum me festina.

Giove ch' el sent Orfee a parlà latin,
 El se mett minga pocch in sudizion:
 El corr a la fenestra col mantin,
 Pientand lì in sul pu bell la colezion;
 El sbaratta i cristaj, el dà on' oggiada
 (Notee che la fenestra l' è in vers strada).

El guarda donca, e 'l ved de stand inscima
 Tutta la terra tal e qual la stà;
 El ved i Trazi pu mazzucch de prima,
 El ved Orfee che in pocch el vœur crepà;
 E ghe se scolda tutt a on bott la pissa:
 Acqua pader! sta vœulta je sobissa.

El ciappa on fulmen, ma de quij giuridegh,
 L'alza el brasc, l'è già lì per tirall giò,
 Quand el sent ona vòs vesin al fidegh
 Che la diseva: — Abbia pascenza anmò. —
 L'è tant dolz de frittura, tant bonasc,
 Che a sta vòs l'è pu lu, ghe casca i brasc.

E buttand la sajetta in d'on canton,
 — Sia malanagg, el dis, intantafina,
 Fussen strabolgiraa, sont ben mincion
 A vorè stà ch'è mi a scoldamm l'orina:
 Ma, nossignori, vuj mò giust vedella!
 Sont, o no sont? M'han de cognoss, l'è bella! —

In del dì sti paroll el batt on pé
 Sul pavement, e 'l ghe fa dent on bœucc
 Grand in maniera che se pò vedè,
 Minga cojonarij, vedè coi œucc,
 Propi coi œucc del coo, guardand insù,
 Trii quart de paradis e fors de pù.

Marcia, sparisea! alon, berlöcch, berlicch!
Ecco ona sala tutta de cristall
Con gemm, rubin, smerald gross comè micch,
Coi port de tartaruga e de corall,
Fodrada tant de sott comè de sora
Con tresent vintun brazz de carta dora.

Se ved in mezz settaa in cardega armada
L'istess Giove in persona, propi lu,
In gran abit de gala e de parada:
Gilé, colzon e marsina de velù,
Colzett de seda, manezzin de pizz,
Fazzolett e camisa de battizz.

El gh'ha li sott al scagn on bell falchett,
On falchetton tremend che fa per quatter,
Ch'el streng in mezz ai sgriff on saresett,
E 'l cascia fœura duu antecrist d'oggiatter
Cont on versasc de coldiree, d'arpia.
De mett i convulsion a la pollaria.

Intorna, intorna on santa-cròs de gent
» Donn, tosann, giovenott a mesturon
A tavola redonda allegrament
A son de viorin e vioron,
Infuriati come i strasc di piatt.
A scudellà, a fà baldoria, a sbatt.

Hin tucc razza de Dei, no se cojona ,
E in pampardina col vestii de festa :
Giunon l'è missa a la pu gran sgiancona
Cont on basgioeu de gemm, con su ona vesta
D'on bell merinòs de color de rosa
Che l'ha portaa quand la s'è fada sposa.

Mercuri l'ha indoraa el sò caduzee.,
El Sò l'è lì cont indoraa el faccion ,
Saturna vecc. el gh'ha indoraa el braghee
Ch' el porta soravia di colzon ,
El gh'ha indoraa tutt i caraff Dionis ,
E Mart l'ha fina faa indorà i barbis.

Ghe n'è ona gran missœulta de costor
Che lusissen che paren candiree ;
De cap a pè no se ghe ved che or,
Or de fianch , or denanz e or dedree :
Or, or, or, or : cospetto de diana!
Poden drovass de fà la gibigiana.

Vener inscambi la gh'ha on vestidin
Curtin, ligerinett , a tira-cuu ;
Ghe sbiggia fœura on poo de stomeghin,
E on olter poo el ghe resta sott sconduu :
Sconduu, l'è vera, ma el fa cas nagott,
Chè el penser el ghe sghimbia de desott.

On ciccin d' ona tosa, on sgarzorin (1)
 Vistòs e fresch comè on botton de rœusa,
 La gira intorna e la fa fœura el vin,
 Che in paradis el se domanda ambrœusa,
 E intant comenza i dodes Or de Franza
 A mett su on fiocco d' ona contradanza.

I Dei se senten a purisnà i pee,
 E trovandes sui ultem del disnà,
 Leven su in quatter salt, strusen indree
 La tavola, e se metten a ballà:
 Andemm fiœuj! festa de ball pientada:
 Allegrament, andemm a l' inviada!

A sentì che delizia de monfrinn,
 Che tocch de valz, de parisiènn sonaven!
 A vedè ballarin e ballarinn
 Che andaven, che giraven, che pirlaven!
 Andà a descor! i nost marionett
 Poden scondes, l'è nanch roba de mett.

I Trazi intant, quij pover tananan,
 Even in estes col mazzucch in ari,
 Com' el succed di vœult coi pajsan
 In teater, quand tiren su el scipari,
 Che leven su del scagn andand in occa,
 E resten lì con sbarattaa la bocça.

El teolegh Orfee quand che je ved
 Fœura de lor in sta manera chî,
 L'è tant sicur d'avej tiraa a la fed,
 E che ghe sia pu nagott de di,
 Che per la gran consolazion ch'el sent,
 El refiada, e el guariss in sul moment.

Come el pò mej el se rebella su,
 E el corr in mezz a tucc quij articocch,
 E con aria de sbergna e fâ de pu,
 — Goss'eel, el diss, che me parii tucc locch!
 Cossa v'è intervegnun, i mee car bartolla,
 Che v'è mancaa inscì subet la parola?

V'è fors fiocca giò in bocca i maccaroh,
 Chè ste là a guardà in su comè gasgiott?
 Cossa l'è che guardee, i mee lendenon?
 Disii, cossa guardee, se gh'è nagott? .. —
 — Chi dis gh'è nagott? vun el respond:
 De gent ghe n'è se poden minga scond. —

Donca ... el repia Orfee -- Donca, la lippa,
 El seguita quell'olter, quest l'è bell!
 Perchè lor se impienissen mej la trippa,
 E in mej vestii, gh'emm de cavà el cappell?
 On corno che je infilza dedrevia!
 Questa che chî l'è ona soperciaria.

Se creden de fann incia sti rabott ,
Perchè nun casarengg e buttalà
Mangem panigh, se vestissem de biott
E usem minga a pagà el ficc de cà ?
Cisto mi! malanaggi biricchin!
Uh! se fudessen on poo pu vesin

Ghel darev ad intend birbon! baloss!...
Basta, piantemmi subet, sui du pee.
Quand nissun staga lì a guardagh adoss,
Poden fa cunt de casciassej dedree
Quij sò spettacol de vestii, de gemm...
Prest, camarada, andemm, andemm, andemm.

Sti paroll hin sta giusta come on sass
Traa in mezz a on rosc de paser che pascolla:
In manch de quella hin andaa tucc a spass;
Orfee l'è restaa lì comè ona ciolla;
E i Dei, ch' han vist tutt la platea a l'ari,
Han stimaa ben de lassà giò el scipari.

PARTE TERZA

La Nott l'ha quattaa el mond con la soa socca
Ricamada de stell, e l' è tutt scur :
El Silenzi col did in su la bocca
El guarda al Sogn in att de digh, ven pur ;
E lu, sbaggiand, stirandes de linœucc,
El gira intorna a fa sarà su i œucc.

Ma intant che i Trazi hin tutt indormentaa,
Sona in ciel la campana del Pretori,
E i Sindegh e i Lanzian de la cittaa
Se unissen pesg che in pressa a concistori
Denanz a Giove, che l' è 'l President,
In la gran sala di dibattiment.

Dopo di solett smorfi d' etichetta,
Se setten tutt in fila sui cossin.
El President el cava la baretta,
L' alza el sedes del scagn, el fa on inchin ;
I olter strusen i pee, storgend el coll,
E lu el comenza coi precis paroll :

—Semm Dei, sangua de dina, o semm fuston?
 Corpo de bio! n'è mai tocca de fà
 Quella figura di pu gran cojon,
 Come n'è capitaa sto podisnà?
 Quatter gatt che in don bôff i troo in sconquass
 N'han de rid sui barbìs inscì per spas?

Vuj spettasciaj ... Ma, nò, Sur consejer ...
 Nò, fallava per mi disi nient:
 I hoo faa ciamà per sentì el sò parer:
 Vuj che me disen ingenüament
 Quala ghe par a lor la vera scœura
 De tegnì con sta razza bo e fœura. —

Dopo avè tossii on pezz, el leva in pee
 Saturna, vecc rabiòs, che l'è 'l decan:
 Sont rivaa fina a fà indorà el braghee,
 Sur president, el dis, per quij villan:
 E pœù in fin coss'emm faa?... Eh! ch'hin canaj;
 El mè parer l'è quest: s'ha de impiccaj.

Mart cont el coo el faseva segn de sì,
 E duu o trii d'olter anca lor l'istess;
 Tant che Giove in quell'atim l'era lì,
 Senza tanc zerimoni de process,
 Per dà a Mercuri, sò lecchee e spion,
 Che l'andass a crompà corda e savon.

Ma solta a voltra el fondeghee di vers,
 Don Febo, protettor di desperaa,
 E guardand a Saturna per travers,
 Vecc balotta, el ghe dis, brutto dannaa,
 Gh'èt olter de proponn? tas lì, no fiada,
 Se de nò te foo adree ona bosinada.

Saturna el resta lì comè on badee,
 E lu, in d'on' aria de improvvisador,
 — Collega, el sclama, per el Pegasee,
 Per sta ghitarra, per sti cavij d'or,
 Per i tre Grazi e tutt e nœuv i Mus
 Ve giari che sii propi tanc gambus..

E el seguitava: L'aria d'Eliconna
 La me corr, la me batt in di polmon:
 Chi vedi mai? L'è on omm?... nò l'è ona donna:
 Esusmaria! la gh'ha in man el tron,
 In bocca la lusnada e la tempesta,
 Tremmen i stell: che bozzera l'è questa?

D'on' altra part vedi on boschett tutt verd,
 Senti i sospir d'on fontanin d'argent —
 Ma chì Giove, vedend ch'el se deperd
 In coss che no concluden a nient,
 El sona on bott on campanin de tolla;
 E el te ghe incioda in bocca la parolla.

Allora la va a fiamm la Camaretta,
E fan on bordeléri de no dì:
Chi sbragia de lassà fenì el poetta,
Chi sbragia de lassall minga fenì:
E 'l president in mezz a sto rebell
L'ha pari a sbattaggià col campanell.

Basta, pader Dionis, prior del vin,
Col sò voson de tor infin el soffega
La vòs del president, del campanin,
Del decan e de tutt i olter collèga,
Portand fœura d'imbroj, se pò dì in spalla,
Quell di vers, chè lor duu hin semper de balla.

Chi l'è che pò resist a la reson
D'ona vòs che la trà i orecc in tòcch?
Quij che prima faseven el spaccon,
Resten lì inscì stornii, camuff e lócch;
E'l president, per podè fall tasè,
L'ha avuu de grazia a daghela de trè.

Torna donca a parlà don Febo, e el dis,
Senza tanti preambol tolt a noll,
Che, intuitù di Trazi, gh'è duvis
Che s'abbia minga de slongagh el coll,
Ma che se vaga in terra omen e donn
A insegnagh la creanza cont i bonn.

Che se ghe derva i œucc, che se redusa
 Quella povera gent a la reson
 Col fagh vedè tutta la scienza infusa
 Che gh' han lor Dei in quell sò gran crapon;
 E che 'l ghe giuga lu el sò Pegasee.
 Se no ghe borleu in genœucc ai pee.

Ogni parola ch' el diseva, gh'era
 Lì pront l' amis a sbassà el coo, a dì
 Bene, bravissim, questa l'è la vera,
 Che crappa! no se pò dì mej d' insci;
 Tant che nissun l' ha poduu digh on ett,
 E s'è adottaa senz'olter el progett.

I dei gh'han i gamb longh, come l'ha ditt
 Quellorbin che ha cantaa on pezz fà in Turchia.⁽²⁾
 Se unissen, hin tutt pront; alon, andemm, vitt,
 Ogni pass el tegneva tresent mia:
 Giò per i nivol, fœura di tempest:
 Ecco, hin in Trazia: - Com'han mai faa prest!

L'aria che prima l'era scura, scura,
 Adess la splendoriss come del dì:
 I Trazi mezz tra el gust e la paura
 Fregghen i œucc, i derven, veden lì
 Tutta sta gent in pee d'ona baracca,
 E no ghen tœujen fœura ona petacca.

*Avanti, avanti! Questo sè el momento,
 No i se lassa rincresser, miei signori:
 Da bravi, là così, che i guarda drento,
 Adesso vederanno. Fuori, fuori!*
 Quest'è on brutt mobil d'on Dia zopp, ch'el gh'ha
 On mondonovo grand come ona cà.

*All' entrar, all' entrar! quà lesti, lesti
 D' on' oltra part el sbragia quell del vin,
 Ch' el gh'ha on casott con denter tucc i besti
 Ch'è segnaa mès per mès sul taccoin,
 Oltra on can còrs e on' orsa de pel gris
 Tiraa giò tutt del ciel per i barbis.*

Gh'è Momo, buff de cort, salariaa
 Cont ona compagnia de virtuòs,
 Dove el prim musegh che ghe sia mai staa, (3)
 El papà-grand de Giove, el fa el moròs;
 E rappresenten on cert dramma seri
 De fà s'cioppà del rid on scimiteri.

Se vedeva el poetta pu de sott
 Con la canna a fà el stroleggh sora on tavol;
 Mercuri el fava i gioèugh di bussolott;
 Pluton el faseva compari el diavol;
 E duu gemej, ch'in i pu car bagaj, (4)
 Ballaven su la s'cenna di cavaj.

I Trazi, pover lócch, ch'eren mai staa
 Ai fest di giardin publeggh a la sira,
 Staven li inscì con quij bocch sbarattaa
 In misura di micch de mezza lira,
 No saveven trovagh scima nè fond,
 E ghe pariven coss de l'olter mond.

— Et veduu quel che fa *marcia spariss*?
 Diseva vun, che coo! quell l'è on strion. —
 E l'olter: — Pover bacol, se capiss
 Che te l'ee minga nanmò vist el bon:
 Tel vedet là con quella canna? Sent,
 Quell sì che l'è on strion, quell che talent! —

Ma Giove dopo avegh faa ciappà gust
 Con sti zagattrarij per on bell poo,
 Quand l'ha creduu ch'el fuss el moment giust
 De fass cognoss, l'ha faa on cert segn col coo
 Ai nœuv tosann bastard de la Memoria,
 Perchè cantassen una certa istoria.

E lor cantand in ton de faffautt
 Comenzaven a dì del prim moment
 Quand che s'è vist a sbottì fœura el tutt
 De la gran panscia vœuja del nient,
 Del bordell, del scompili, del freccass
 Che sto bell bamboccion l'ha faa in del nass.

Cuntaven su de quand han taccaa lit
 I Dei contra de certi sganzerlon
 Che faseven ballà i montagn sui dit
 Giust comè se fudessen de bombon,
 E andand a vœulta ghe tremava sott
 La terra, come andass el terremott.

Cuntaven i accident di spozalizi
 De madamm Vener cont el Dio ferree,
 Che brutt e zopp l'ha avuu inscì pocch giudizi
 De tœù ona bella donna per miee ,
 E de Donn' Alba che l'ha faa el maron
 De sposà vun che l'era minga Don. (5)

Voreven tirà inanz i nœuv sorell
 A lodà el pader Giove, in sul resguard
 De la soa gran bontaa coi verginell ,
 Che l'ha impii tutt la terra de bastard :
 Ma in quella han vist che i Trazi inentrattant
 S' hin torna a tucc a indormentà d'incant.

Giove ch'el se n'è accort, segond l'usanza
 El s'è miss a sbragià comè on strascee:
 — Ah maladetti picch senza creanza!
 Eel quest che avii imparaa in sul Galatee,
 Villan tarlucch ficœuj de settimann!
 De dormì intant che canta i mee tosann?

Ma l' ha pari a sbragià, che nissun sent,
E el capiss che nol pò cavann on' acca:
Donch: *Barlicch!* Scompariss in d'on moment
El mondonovo, el casott, la baracca,
La canna, i Dei, i besti, i bussolott,
Resten lì tucc al scur, e bona nott!

PARTE QUARTA

Stemm a vedè chi l'è che ven : madonna!
Ah pover Trazi, l'è fenii tuttcos :
L'è on caruspi, on calvari d' ona donna
Con la pell picciurada sora i oss,
Longa de brasc, de gamb e de carcamm,
Secca inciodada, che se ciama Famm.

Ghe corr inanz, fasendegh de staffetta,
La Carestia che la se batt i cost,
Dedree ghe ven la Pest su ona caretta,
Senza nas, guercia, quattada de crost :
Ai fianch la gh'ha el Spavent coi cavij drizz,
E la Discordia col zoffreghin pizz.

La ven mordendes quij sò man scarnaa,
Come che je voress podè mangià,
Se ved i làvor rott, insanguanaa,
Che ghe ballen sui denc in de l'andà;
Se sent a s'cricà i oss quand la fa on pass,
E a battes in cadenza i dò ganass.

Dove la guarda se impassiss i piant,
Se secca l'erba dent per i campagn;
El sò fias l'è ona specie de purgant
Ch'el porta el venter dove stà i calcagn:
Se dininguarda quajghedun le tocea,
No ghe resta pu olter che la bocca.

In d'on esuss sta maladetta scrova
La m'ha affamaa la Trazia de coo a pee,
Con tutt che ghe fuss minga de la sova,
Come gh'è staa poeu dopo i prestinee,
Ch'eren nanmò nassuu in quel temp antigh
Che i omen no mangiaven che panigh.

I pover Trazi, gent de quella sort,
San come eiod, alest, de bon color,
Grand, traversaa, gnervent, stagn, viscor, fort,
Semper matt, buli de l'istess umor;
Adess paren pu quij; palpaa, palpaa,
Cont el coo bass comè i gallinn bagna.

Se veden a andà a vœulta sloffi e froll,
I gamb fan jacom, ballen i genœucc,
Van giò tœuss tœuss, ghe donda i brasc e 'l coll,
Gh'han smort i làvor, gh'han infossaa i œucc;
Sui denc rabbios, strasii, longh on mezz mia
Gh'han la fed de battesim de là ghia.

Quand che s'imbatten in d'on quaj cadaver
 De vun di søu, ch'el sia crepaa de famm,
 Ghe se butten adoss, fan come i caver
 A cozzad per robass foera el carnamm.
 De bocca vun con l'olter: ah Signor!
 E se morden, se strascen tra de lor.

Tanti vœult speccen nanch che vun sia mort,
 E el sgandollen ch'el tira ancamò el fiaa;
 Tanti vœult, per mangiall, quell pussee fort
 El coppa quel ch'è pussee mal andaa.
 No gh'è giustizia, no gh'è compassion,
 La Famm l'ha quattaa i œuoc a la Reson.

Se ved la terra somenada d'oss,
 De viscer marsc che te fan streng el cœur,
 Se sent i sgarr de chi gh'ha ànmò fiaa adoss,
 Se sent i ultim sospir de quij che mœur.
 L'aria l'è greva greva, umeda, scura,
 E la spuzza d'odor de sepoltura.

In sti ultem estremm compar Orfee,
 E se ghe strengen tutt d'intorna ansiôs:
 Largo! fegh post: ecco l'è montaa in pee
 D'on mucc de crani, e el stà lì inscì pensôs,
 Nissun se mœuv, se guarden tucc in volt
 E tiren nanch el fiaa per dagh ascolt.

El trà on sospir del cœur, el dà in di smani,
 E poù el dis: Trazi, avii cœur de guardamm?
 Quist ch'è che calchi con sti pee hin tucc crani
 Di vost, di mee fradij ch'è mort de famm:
 Se speccee tant de podè dà anmò on ett,
 La Trazia la sarà on gran catalett.

— Misericordia! coss'emm mai de fa?
 Sbragen tutt quant borland in genuggion;
 E lu: — Ch'el vegna inanz quell moster là
 Che l'oltrér el faseva de spaccou:
 Te se regordet? — Ah sì me regord!
 Misericordia! Pader, son balord. —

— Te see balord n'ee? moster renegaa,
 Adess che la te batt ben ben in di cost?—
 E quell: Misericordia! andaroo a fraa;
 Sont ch'è in genœuce, me mœuvi nanch del post,
 Bàttem, pèstem, sgrafignem pur la pell,
 Ma damm quajcoss de podè trà in castell.

Allora Orfeè el dis: — Trazi, guardee in su
 E disii insemma a mi st'orazion
 (Tucc el compagnaen): — Giove, diremm pu
 Che t'emm nanch per la cassa di mincion;
 Emm fallaa, sent i Trazi che te ciamen,
 E fa che mangen *nunc et semper, amen.*

Appenna han ditt inscì, el dà ona lusnada,
 Se sent el tron, e se ved in de quell menter
 A passà in aria ona gran mascarada
 Che la consola i œucc, ma pussee el ventet,
 Perchè quij mascher ch'hin Deess e Dei
 In scambi de benis tran via tortej.

El test el cunta che s'è mis a piceuv
 Di ballett d'òr sugos e de savor ;
 Donch saran staa de quij tortei co l'œuv
 Che hin giald, e paren giusta ballet d'òr.
 S'è ditt che fussen grann de formenton ;
 Ma el formenton inscì crud l'è minga bon.

Eren propi tortej, credimmel pur ;
 Me farissev on tort no vorend cred :
 Se fudess minga staa pu che sicur
 In sti coss ch'è, ch'hin pesg che nè de fed,
 Vorev minga col fà l'umor contrari
 Tiramm sui spall i codiz di antiquari.

I Trazi mangan giò tortej a stee,
 E tran via quella cera de pancott :
 Coi brasc avert sbragen, *turee! turee!*
 E Giove el ghe je tira col palott :
 Se Dionis nol le ten, Saturna in quella
 El ghe stravacca adoss anch la padella.

Ma l'è staa pront a dagh cont on martin
 On gran colp in sul nas, l'è andaa el peston
 In cento mila tocch: giò tutt el vin
 In bocca ai Trazi, e come l'era bon.
 No capita de pesg: l'è rivaa a vora
 Ch'eren piena de tortej fina a la gora.

Quand shin trovaa sagoi e che han bevuu,
 S'hin torna tucc a mett in genuggion
 Sbraggiand - Ah:Barba-Giove, emm cognossuu
 Che te see propri on gran galantomon.
 Sì, sem tucc to bagaj, te see el nost pà,
 Pershè te ne tre giò de ziffolà.

Seguita pur a dan la pacciatoria,
 E poèù no statt a dubità nient,
 Che vegnarem bej grass a onor e gloria
 Tant de tì che de tucc i tò parent,
 E quand tincontrarem, no te dubitta
 Che te lassarem subet la man dritta.—

Defatt dopo quel dì him staa semper quiett
 Maneggever compagn de tanci bee,
 Nè han mai volzaa de preterì in d'on ett
 'Tutt quant e mai ghe comandava Orfee
 Che col loss de Giove a temp e a leugh
 I avarav faa magari andà in del seugh.

(35)

Inscì feniss la storia de quij picch:
Adess ven la moral: attent a mi.
Quij .ch' è fort fan paura; quij ch' è ricch
Fan invidia; i sapient fan sbalordi;
Ma (regordèven semper i mee tds)
No se adora che quij ch' è generôs.

NOTA

Siccome in di mee coss mi son precis,
E vui minga che nassa di ratell,
Savend che gh'è pu d'on autor ch'el dis
Che l'è minga staa inscì sto fattarell,
Hoo stimaa ben de mettegh chi desotta,
Per toèu de mezz tutt i reson, sta notte.

Disen sti tai che Orfee l'ha morisnaa
El cœur di Trazi a furia de sonà;
E mi domandi per la veritaa
Se sta cossa che chì la possa stà,
S'eren assee i diesis e i bemoll
Per mett a mezet quij carna de coll?

Ma per vegnì a la streccia del negozi,
E fav toccà con man che tucc sti autor
Han tolt, con reverenza, on equozi,
E che san minga quell ch'an ditt nanch lor
(Foo minga per vantamm in faccia vosta)
Sentij sto me penser ch'el par faa a posta.

Fors el sò test el diseva a la bona,
Orfee l' ha faa, l' ha ditt col ziffolà:
Ziffolà el ven del ziffol ch' el se sona,
Donch han conclus, l' è staa cont el sonà;
Senza riflet, sti bœus, che chî de nun
Ziffolà el vœur di sbatt, romp el digiun.

- Prœuva adess, vun me dis, che quij primm test
Fudessen scritt in lengua del Verzee:
Provall? respondi, mancarav anch quest:
L' hoo minga già provaa tant che sia assee?
O bell! o bell! avii fors minga intes
Che anca Giove el parlava in milanes?

Per conseguenza donch.... Ma coss' occor?
Sii già tutt persuas che gh' hoo reson,
E ch' in tanti artiocch tucc quij autor
Che, no essend consuma in del buseccon,
Vœuren menà la berta de salamm
Sui test pu antigh del gippon de Baltramm.

NOTE

(1) *Ebe.*

(2) *Omero.*

(3) *Celo evirato da Saturno suo figlio, e padre di Giove.*

(4) *Castore e Polluce. Al primo vien da Omero dato l'epiteto di domacavalli.*

(5) *L'Aurora, Dea, che sposò Titone mortale.*

LA FUGGITIVA

LA FUGGITIVA

NOVELLA

La me vœur scond i lacrim? Coss' occor?
 Cara mammin, già el soo ch'hoo de mori
 Nà, la preghi in di viscer del Signor,
 Che la me scappa nò, la staga chì;
 Che no la me bandona in sti ultim or;
 Se la vœur piang, la piangia insemma a mi:
 Sì, che la piangia pur, cara, che almen
 Saront sicura che la me vœur ben.

Ah! cognossi anca tropp, cara mammin,
 Che viscer hin i sœu; soo che l'è bonna,
 Chè sont pœu la soa tosa in fin di fin,
 Che l'è mia mader, che la me perdonna:
 Via, che la senta, vuj un sò basin:
 Ghe l' hoo semper cercada a la Madonna
 Sta grazia, e inanz che vaga al mond de là
 Sont persuasa che me l'ha de fa.

Me regordi quand seva piscinina
 (Ah benedetto temp! dov' eel andaa?)
 Che mi seva el carœu de la mammina,
 Stava semper attacch al sò scossaa,
 Lee la m' avarav daa lacc de gajna,
 La m' avarav daa el sangu, l' anima, el fiaa:
 / Com'hoo poduu, car el mè car Signor,
 Desmentegamm de tutt quell grand' amor?

Desmentegamm? Ah coss' hoo mai ditt mi!
 Nò, nò, che me sont mai desmentegada:
 Se la savess coss' hoo dovun soffrì!
 Che contrast... in che stat me sont trovada...
 Hoo tasuu finadess, ma inanz morì
 L' ha de savell, vuj digh come l' è stada:
 Che la se setta chì sul me lettin;
 Sì, ghel prometti, parlaroo a pianin

Ghe no la se disturba, staroo quietta,
 Ghe cuntaroo tutteoss senza alteramm,
 Che la me lassa dì, che la se setta,
 El me farà fors ben a podè sfogamm:
 / Inscì: za la soa man... ah benedetta
 Man d' ona mader!.. Senti a consolamm
 / In del basalla, e la me dà pu fiaa
 Per cuntagh i desgrazi ch' hoo passa.

La se regordarà d' on Colonell ,
 Amis del nost Pedrin , che l'è staa chi
 Ona vœulta , e han ditt tucc che l'era bell ,
 E dopo via l' ha ditt anch lee con mi ;
 El gh' aveva i duu ordin... Giusta quell!
 Brava ! l' aveva nom Luis , sì , sì :
 Ben , mi , quell , l' era on ann e fors pussee
 Che ghe parlava in nascondon de lee .

No gh' era di che lu nol passass sott
 Al poggioeu dove stava a lavorà ;
 Quand fava on segn , el vegneva a la nott
 Sott ai fenester per podemm parlà :
 El pioveva a rovers , fa cás nagott ,
 A quell' ora fissada l' era là ,
 E nol fava che piang , e che giuramm
 De vorem ben , de vess pront a sposam .

Ah mammin ! mi brusava de l' amor :
 E le sa el ciel se l' avarev sposaa ;
 Ma saveva de dagh on gran dolor .
 A lee , se avess volsuu sposà on soldaa ;
 Donch taseva , sperand in del Signor
 Ch' el temp el gh' avarev rimediaa ,
 E insci , pensandegh su tutt i moment ,
 Tirava inanz senza risolv nient .

Quand riva on sara sara a l' improvvis
 Ch'han d'andà in Russia tucc i corp d'armada;
 E l' è staa allora quand, pover Luis,
 No podendem parlà passand in strada,
 L' ha faa tant e pœù tant, ch'el s'è faa amis
 Del Pedrin, l' è staa chì, e 'l m'ha visada,
 Parland sui general, che l' istess di
 L' aveva ordin de dovè partì:

Mì, ch'el m'è pars on sogn, tutt in d'on tratt
 Sont restada lì inscì comè inlocchida:
 Ma quand senti a la sira che l' è fatt
 Che la guardia Real l'era partida,
 El cœur, i pols me s' hin fermaa de batt,
 Ho capii che per mì l'era finida:
 Ho passaa quella nott comè in sui spin
 Semper a piang, a brascià su 'l cossin.

Andava a la fenestra, la derviva *apriava*
 Parendem che m' avessen domandaa:
 Stava lì attenta, ma no se sentiva
 On citto, ch' eren tutt indormentaa.
 Gh'era fœura la luna, e la lusiva
 Sul mè lett; el vedeva tutt bagnaa
 De lacrim: me tornava a buttà giò,
 A brascià su el cossin, a piang anmò.

Mi me credeva de morì, e sperava
 De morì prest per finì quella penna:
 Me regordi, che lee la me ciamava
 Cossa gh' avess, chè nè a disnà nè a scenna
 Mangiava pu nagott; ma me ostinava
 A digh che sera pocch de bona lenna,
 Tirava a man di scus in quaj manera
 Per lassagh minga savè quell che l'era.

Ma quella di tre nott poèù finalment,
 Stracca de piang, me sont indormentada,
 E vedi in sogn stravolt, desbaruffent
 El mè Luis cont in di man ona spada
 Ch'el me ciappa in don brasc, e 'l me dis: Sent,
 O ven con mè, o me mazzi. Spaventada
 Fo per fermagh el brasc, ma lu pu lest
 El se desbrojà, e el dis: Risolv, fa prest.

Mel vedeva denanz torbid in cera
 Col brasc in aria lì domà per dass:
 Mi no saveva pu dove me sera,
 Me vestissi, ghe corri adree debass
 Troèvem on legn, lu el derva la portera,
 El me dà el brazz per andà su: foo el pass...
 Ma in quella me dessedi tutt a on bott,
 Me troèvi in strada; gh' è nissun, l'è nott.

Me volti indree stremida per guardà:
 Vegneva giò tempest, tirava vent,
 L'era scur scur, se sentiva a tronà,
 E on gran stralusc, che giust in quell moment,
 El sbarlusiss contra la nostra cà,
 El me lassa vedè ciar e patent,
 Propi compagn che se 'l fudess del dì,
 La stanza in dove l'era lee a dormì.

Cara mammin, che colp l'è mai staa quell!
 M'è voruu s'cioppà el cœur, me sont trovada
 Pien de lacrim i œucc senza savell:
 L'era sparii el s'ciarò de la lusnada;
 Inscì a taston voo indree a cercà el portell,
 Vuj tornà in cà, sont già deliberada,
 Foo per dervill . . . Madonna che spavent!
 Gh'è giò la molla, se po pu andà dent.

Me sont sentida a corr fina in di oss
 I sgrisor de la mort, m'è mancaa el fiaa,
 Gh'hoo veduu pu, m'è gelaa el sangu adoss,
 Ho capii ch'el sproposit l'era faa,
 Chè saraven vegnuu a savè tuttcoss,
 Che el mè Luis per mi già l'eva andaa:
 E in quell moment d'inferno: esusmaria!
 Hoo faa el gran pass, hoo bandonaa cà mia.

Sont andata de l'occh fina a Modron,
 Poeù hoo faa rifless: el Luis l'è marciaa
 Trii dì fà per la Russia, de reson
 El sarà giamò inanz on tocch de straa;
 Come faroo a rivall? e poeù, el pu bon,
 Cossa farev quand che l'avess rivaa?
 Presentamegh? parlagh? damm de cognoss?
 Ona tosa polida de sti coss?

Gh'hoo me fradel Pedrin guardia d'onor,
 Che l'è partii jer tard per sti part chì,
 E me sovven d'avè sentii a descor *descor*
 Che stanott l'avarav dormii a Trevi:
 Andaroo là de lu, e per l'amor
 Di sant, el pregaroo a tœumm su anca mi:
 El me vœur inscì ben, l'è tanto bon,
 Ch'el se trarà sicur de compassion.

Inscì hoo faa — Sont rivada quell moment
 Che se faseva ciar; hoo domandaa
 A on giovinett che hoo vist per accident;
 Se dà el cas ch'el Luis l'era alloggiaa
 D'on sò zio curat; quest compiasent
 El m'ha condott fin là, dov' hoo trovaa
 Mè fradell, e buttandem ai sò pee
 L'hoo scongiuraa ch'el me tujess adree.

Cossa n'hal faa quell pover cristian
 Per tœumm st'ideja fœura del cervell?
 L'ha pregaa, l'ha piangiuu, el ma ciappaa i man,
 Mi ha bassaa, parland de ver fradell,
 Disendem che dovess tornà a Milan,
 Chè già el Luis poteva nanch vedell:
 Ma el s'è stremii, chè mi gh'oo daa on'oggiada,
 E l'ha vist che già sera desperada.

¶. Donca l'ha stimaa ben de stà ai primm dagn,
 Sperand col temp che avess de ravvedemm.
 El m'ha fada vesti con di sò pagn
 Sul fà d' on servitor, per no podemm
 Lassà minga cognoss di sò compagn:
 Quand s' ha d'andà monti a cavall, e vemm,
 Restand d' intelligenza in tra de nun
 De fà mostra nagotta con nissun.

De fatt nissun l'ha avuu el minim sospett,
 E in quant a quest la m'è andata benon:
 Gh'aveva però minga el cœur quiètt,
 Chè capiva d'avè faa on gran scarpon;
 E de nott massim, quand che sera in lett,
 Poteva minga manda giò el magon,
 Pensand a l' inquietudin soa de lee
 A no savè nagotta di fatt mee.

Quand poeu semm staa lontan fors tresent mja,
 Che m'è pars de vess franca, gh'emm scrivuu
 Per domandagh perdon de quella mia
 Bardassada, e dagh noeuva de num duu:
 Ma i letter, mi no soo come la sia,
 O hin restaa in posta o sé saran perduu,
 Perchè ch'lor me disen propriament
 Che in tutt sto temp han ricevuu niemt.

Intant se andava inanz a marc sforsaa;
 E mi in tutt i paes dove rivava
 Cercava subet cunt s'era passaa
 El tal corp inscà e inscì (dove ghe staa
 El Luis) -- L'è trii di, l'è duu, l'è staa
 Ch'ì domà jer -- e semper me trovava
 De vessegh pu vesina d'ora in ora,
 E me sentiva tutta sott e sora.

Cara mammina, e l'è minga de di
 Fettivament che trovandem appress
 Gh'avess gust; nol soo minga nanca mi
 A di la veritaa cossa voress:
 Come adess avarev volsuu morì
 Tant per podè vedell, e dessadess
 Piangeva e me voreva desperà
 Per la paura de dovell trovà.

Inscì tramezz ai speranz e ai paur
 Vivend semper comè se fuss sui spin ;
 Fasend vitt che noj fan minga sicur
 I galeott, i lader, i assassin,
 Rivem on dì, che l'era giamò scur,
 A on certo paesett in sui confin
 Di Russi, e senti ch'era lì fermaa
 Per specciann nun quell tal corp inscì faa.

Sera a cavall attacch a mè fradell,
 Vedi vun ch'el le brascia e basa su:
 Ah Signor! le vestii de Colonell,
 A la statura, al fa el me par tutt lu:
 El se volta . . . l'è lu, l'è propri quell:
 Tremi, me buj el sangu, ghe vedi pu,
 Salti giò de cavall a rompicoll,
 Ghe corri incontra e ghe troo i brase al coll.

I lacrim, el tremôr, l'abbattiment
 M'han strozzaa lì i paroll dent in la gora,
 Tant che in quell att ho poduu dì nient,
 E gh'hoo avuu temp intant de pensagh sora
 Al sproposit che fava in quel moment:
 Hoo veduu tutt el precipizi: allora
 M'è cascaa i man, sont dada indre trii pass,
 E sont restada lì come de sass.

Mè fradell che l'ha vist quella figura,
 L'ha faa mostra, per toemm de sto cuntee,
 Che ghe fuss capitaa ona gran premura
 De dovemm mandà via in sui duu pee:
 Mi l'hoo capii, sont saltada adrittura
 Sul cavall, in d'on fias l'ho voltaa indree,
 Gh'ho lentaa i brij, gh'ho daa ona speronada,
 E indree a galopp comè ona disperada.

El trovass scur, l'avè minga parlaa,
 E el vess vestida su in quella manera,
 Per mia fortuna in quell moment han faa
 Ch'el Luis l'ha mai pu pensaa chi sera:
 El Pedrin l'è staa pront, e el s'è sbrigaa
 Cont on mezz termen ch'el pariva vera,
 Per podemm subet corr adree e fermà,
 Savend nanch lu dove podess andà.

Dopo d'allora tucc duu i corp d'armada
 S'hin unii per andà contra el nemis:
 Oh! quanti vœult trovandem su la strada
 Vedeva a la lontana el mè Luis:
 L'andava via con la testa sbassada
 Malinconegh, in mezz ai primm sò amis
 Senza mai dervì bocca in tutt el dì:
 E mi diseva: — Adess el pensa a mè.

Tra i olter me regordi ona mattina,
 Vegnend via de Smolensco, ch' el Pedrin
 El m'ha faa segu ciappandem la marina
 Che do vess ritiram on momentin:
 Hoo nanch faa on pass che, traff! a la sordina
 Me riva lì el Luis: Cara mammin!
 Hoo sbassaa el oco . . . la pò considerà
 In quell moment come doveva stà.

S'hin miss tutt e duu in pari, e mi dedree
 Seguitandj compagn d'on servitor:
 Dopò vestes basaa, s'hin miss adree
 Andand, inscì come se fa, a discòr:
 El Luis el parlava di fatt mee,
 Di promess che s'èmm faa, del nost amor,
 Del sò magon, del cruzi de no dì
 Ch' el gh'avava per vess lontan de mè:

E el diseva piangend: Mi adess sont via,
 E lee intrettant chi sa? se vœultà ven
 La mudarà penser: -- Anima mia!
 Guarda, cognossem, ved se te vuj ben. --
 Gh'è staa oalaa nagott che no me sia
 Scappaa de bocca sti paroll. Oh almen,
 Pover Luis, almen tra tanc magon
 Ghe l' avess dada sta consolazion:

Ma me sont trattegnuda. Seguitavem
 A andà inanz tutt i dì : l'aria gelada,
 La nev, el giazz demeneman che andavem
 Pareva che cressessen : su la strada,
 E tutt in di contorna no trovavem
 Nanch ona cà che no fudess brusada;
 Eren brusaa i paes de scima al fond,
 E el pareva ch' el fuss la fin del mond.

Trovavem rott i strad, tajaa su i piant,
 Deroccaa i pont, voltaa l'acqua di fumm,
 Rasaa i campagn . . . No se sentiva intant
 On strepit, ona vòs che fass presumm
 Anima viva; domà che ogni tant
 Al borlà giò di cà se alzava el fumm,
 E se vedeva di gran ond de fiamm,
 A s'cappà fœura intramezz ai rottamm.

No se trovava allogg, no se trovava
 Foragg per i cavaj, roba per nun :
 Di magazzin intreggh de pan, de biava
 Se vedeven brusaa con dent nissun :
 Se dormiva sul giazz, no se mangiava
 Che on crostin de bescott al dì per un,
 E moriva cavaj, moriva gent
 De fam, de frecc, de struzi ogni moment.

Eren ridott i coss a sti brutt pass;
 Quand ne se dis che tutta la speranza
 La stàva in del cercà de quarterass
 A Mosca, in dove gh'era l'abbondanza :
 A sta poca notizia, figurass !
 Con che coragg l'armada la se avanza :
 In manca de trii di la s'è trovada
 In di pianur de Mosca già sfilada.

Semm in faccia al nemis, bisogna dà
 Ona battaglia, e tutt dipend de questa.
 El Pedrin a tutt i forz el me fa andà
 Dedree di fil on toeh, dove ghe resta
 I carriagg; e el vœur ch' el spetta là :
 Mi me strappi i cavij giò de la testa,
 Piangi, sgarissi, vuj stà in fila anmì,
 Vui stagh attacch; ma l'è inutil sgarì.

Ghe raccomandandi la soa vita, e quella
 Del mè Luis, ghe butti i brasc al coll,
 El basi su. — Sta ben, cara Isabella,
 Lu el m'ha ditt, e hin sta i ultem so paroll :
 L'era lì, lì per di on quajcoss, ma in quella
 Se sent tucc i tamborr a sonà el roll :
 Lu el sbalza sul cavall, mi me ven maa,
 E no soo pu cossa ne sia staa.

Quand che sont revegnuda, se sentiva
 A la lontana a brontolà el canon,
 Milla vòs che sbragiava, o che sgariva,
 Cavaj, carr, tromb, tamborr daven on son
 Confus che se capiva e no capiva,
 E el metteva spavent e compassion.
 Guardava inanz, no se vedeva lumm
 Per on gran nivolon negher de fumm.

Cossa ne sarà mai del mè moròs,
 Del mè fradell? Ah sant del paradis!
 Hin là in mezz, e chi sa? forse quij vòs,
 Quij sgarr hin del Pedrin, hin del Luis:
 Ah Signor che penser! me scondi a pòs
 A on carriagg, me butti in sui valis,
 Me i tiri adoss, e me stoppi i orecc
 Per no sentì quij vers che me mett frecc.

El comenzava a vegnì scur on poo,
 Quand se sent a sbragià ch'emm vengiuu nuh:
 Refiadi a sta notizia, volzi el coo,
 E vedi i carr che sfla a vun a vun:
 Mi no me mœuvi de quell sit, chè soo
 Gh'hoo de spettà el Pedrin... Ma ven nissun,
 Hin tucc in Mosca, passa on'ora... e dò,
 E el Pedrin nol ven minga nancamò.

Sera settada in terra col coo in man ,
 E i gombel sui genœucc: me ziffolava
 El vent in di cavij: demaneman
 Che vegneva on quaj bôff, el me portava
 Comè ona vòs che vegneva de loſtan:
 La me pariva la soa vòs, alzava
 I œucc , guardava intorna: ma l'è nott,
 L'è senza luna e no se ved nagott.

Ciami Pedrin!.. Pedrin!... nissun rispònd,
 E la vòs la se perd per quij pianur.
 Intrattant me senti a piombà in foad
 Del cœur milla sospett, milla paur.
 Passa ona troppa de scorbatt: je scond
 A la vista la nott; ma in mezz al scur
 Senti el freccas di àl e i vers de mort;
 E i sospett me deventen pussee fort.

Salti in pœc, voo vers Mosca, chè sperava
 Ch'el Pedrin el podess vess là a spettamm.
 A pocch a pocch la luna la se alzava,
 E mi sentiva el cœur a insanguanamm,
 Chè de per tutt i sit dove passava
 Me vedeva denanz mort, e rottamm
 De bandér, s'ciopp, carriagg de canon,
 E crani e brasc e gamb e coo e galon.

Quand el dà on gran stralusc ch'el fa spavent
 E me corr al penser quella lusnada
 Che hoo vist sui sò fenester quell moment,
 Quell terribil moment che sont scappada.
 Alzi la faccia al ciel: l'è invernighent,
 I stell hin smort, la luna insanguanada,
 E la vedi lee a piang su on nivol ross
 Ch'el gotta sangu e ch'el me piœuv adoss.

Taseva tutt, ma in fin de la campagna
 Sentiva on vers ch'el me passava el cœur.
 Piangend, tremand voo inanz; vedi ona cagna
 Che la lecca su el sangu de van che mœur:
 Quest l'è sott a on cadaver, ch'el ghe bagna
 Tutta la faccia de sanguusc; e el vœur
 Storgendes, strepitand de scià e de là,
 Come trassel de doss per refiadà.

El cadaver ch'el gh'ha dessoravia
 L'è tutt insanguanent e senza coo:
 Guardi quell sott: stravedi? esumaria!
 Quell colôr! quell vestii!... voo inanz on poo
 Ah! che l'è el mè Luis: me se resœa
 I cavij su la front, troo on sgarr, e voo
 Come on sass giò per terra adoss a lu,
 Strengedel in di brasc, basandel su.

Ghe senti a batt el cœur; sbalzi in genœucc,
 Me strasci giò tutt i vestii de doss
 Per fassagh chî in sul stomegh on gran bœucc
 Ch' el perd el sangu, e el lassa vedè i oss.
 Lu allora sòspirand el derva i œucc,
 El me ved, el me fissa, el me cognoss;
 E inserenandes in faccia, el se tira
 Ona mia man sul cœur, e poèu el me spira.

El cœur el ghe batt pu, l'ha pers el fiaa:
 Mi foo per saltà in pee, ma borli giò
 A toppiccon adoss a on coo tajaa:
 Col pocch sentôr che me restavv anmò
 Fissi quel coo . . . l'è tutt insanguanaa,
 Tutt sporscellent; ma se distingu però
 La faccia. Eel forsi el coo de mè fradell?
 Esuss maria signor! l'è propi quell!

Resti là come stupida, insensada,
 Senza podè nè mœuvem, nè sgarì:
 Me pariva de vessem insognada,
 O che in quell menter fuss adree a dormì:
 Ho pers i sentiment, m'han poèu trovada
 Là inscì per terra in sul s'ciariss del dì,
 E m'han portada in Mosca mezza morta,
 Senza che mi mè ne fudess accorta.

Son stada fors duu mes chè hoo mai poduu
Dì de vess viva : quand che comenzava
A vegnì on poo in sentôr, hoo cognossuu
Che sera con l'armada che s'cappava :
Me trovava in su on carr, e hoo pœù savuu
Che quell bon vecc d'on General che stava
Chì d'allogg, cognossendem per chi sera,
El me menava indree in quella manera.

Squas per miracol son rivada a cà :
Già, la m'ha vist, sera comè on' ombria :
La se regordarà ch' el sur papà
In collera el voreva casciamm via ;
Ma lee pietosa l'ha volsuu dà a trà
Domà al sò cœur, e l'ha ditt: -- Nò, l'è mia,
Sont mader, l'è el mè sangu, l'è l'Isabella,
Desmenteghi tuttcoss, sont anmò quella. --

Adess l'è on'ann che sont chì inscì in sto lett
Inciodada, e deslengui tutt i dì :
Gh'hoo i brasc strasii che paren duu bacchett,
D'on dì a l'olter me spetti de morì :
Cara mammin, la ved sto fazzolett ?
La preghi a fammel sePELLÌ con mi :
L'è del pover Pedrin, ghè anmò su i sfris
Di ultem gott de sangu del mè Luis :

Fina che gh' hoo avuu lacrim l'insuppava
Standegh semper piangend buttada adoss,
E a guardagh a quell sangu, me consolava
De vedell revegnu, pu viv, pu ross:
Tanti vœult inscì teved el basava,
E me corriva i sgrisor in di oss,
Che me pariva fina ogni freguj
Ch' el se movess, ch' el se mettes a buj.

Ma adess che poss nanch piang, e che me mœur
I œucc in del coo, tutt quell che me conforta,
La ved? l' è de tegnìl chì sora el cœur
Saraa, strengiuu fintant che saront morta.
Ah mammin! per quell ben che la me vœur,
Per quell dolor tremend che la sopporta;
Quand sont spirada (e 'l pò vess pocch lontan)
Che me la metta adoss lee coi sò man.

Che la me daga sta consolazion,
Che poda sarà i œucc in santa pas:
In santa pas? Ah nò! Gh' hoo anmò on magon,
Gh' hoo on' oltra cossa anmò che me despias:
Gh' hoo minga avuu la soa benedizion,
Gh' è el sur papà che l' ha nanmò faa pas:
Se poss ottegnì quest, allora si
No desideri pu che de morì.

***La presente edizione è posta sotto la
salvaguardia della legge, essendosi adem-
piuto a quanto essa prescrive.***

